


E TRES POLITICONAN GRANDI DI ARUBA

Pa: Janchi Tromp

Den e historia di Aruba, semper lo keda atras nomber di e tres figuranan grandi den politica cu ta Sr. Henny Eman, Sr. Juan Enrique Iraisquin y Sr. Gilberto Francois Croes y manera nan ta ser yama den boca di pueblo nan ta keda Shon Henny, Juancho y Betico. Cada un di nan a logra nan grandeza den diferente epoca, den cual nan mester a realiza diferente debate den arena politica pa logronan importante pa loke ta e bienestar pa pueblo di Aruba.



SHON HENNY

Shon Henny Eman un di e politiconan for di principio di e arena politica na Aruba. Un di su primordial lucha y debatenan tabata pa haya e separacion pa sali for di e gara di Curacao e isla mas grandi di e seisanan cu ta forma Antillas Hulandes, cu antes tabata West Indie.

SU debate nan tabata manera uno di "Ami so den boso". Un posicion di titulo y funcion gubernamental nunca tabata su meta, y asina el a muri sin ningun clase di ceremonia particular. EL a biba su ultimo añanan den curazon di e pueblo humilde y pover di loke awe ta carga e nomber di Playa Pabao, y pakico e nomber aki mi no sa.

For di seno di su partido a sali dos otro figura grandi cu ta Juancho y Betico. Juancho den un desacuerdo cu hasta

awendia hopi ta utiliza esaki, sin sa e verdadero motibo of contenido di e suceso, esta e 12-8. E cambio of e motibo pa cual a bay den esaki, no tabata den un situacion semi autonomo manera nos tin awe cu nos Status Aparte.

E sacrificio tabata grandi, pero tur sacrificio ta pa un logro y e logro tabata e aeropuerto y e puerto cu waf pa Aruba.



JUANCHO IRAUSQUIN

Sr. Iraisquin como estudiante segun registro di Juliana School, na grandi tabata tin e profesion di banquero y den e arena politica a coloca su nomber den e grandinan den e historia di e Pais Aruba.

Su entrada den arena politica, tabata ariba e lista di AVP tempo di Shon Henny, ya cu for di tempran nan a mira su capacidad di ta un gran consehero y planificador pa un mihor mañan pa Aruba y su pueblo, y esaki despues di su desaparicion a keda y por ser observa cu admiracion y orgullo.

Hopi ta esnan cu a crece den fila di Juancho su partido, y hopi a bay busca laureles na otro frontera, y hopi a sigui pero na final di cuenta e falta di reemplazo tabata notable.

Juancho a percura y a habri caminda pa un mihor futuro pa Aruba, el a percura pa e pension di viehez, e industria ACI, e planta di awa, y cuanto mas personalmente, directo of indirecto pa su pueblo.



BETICO CROES

Sr. Croes a nace pa ser grandi den politica, aunque

cu su protesion a cuminsa ariba tereno di enseñanza, caminda e tabata fungi como maestro di school den su pueblo di Sta. Cruz.

Pero ya for di un edad joven su aspiracion pa drenta den e arena politica, y haciendo esaki den fila di Shon A, cu tabata na cabez e tempo ey di e partido berde AVP.

Entre su persona y Shon A Eman, semper a existi un lazo di comprension y di profundiza su mes den politica.

Ya despues di su desaparicion di Shon A, su anhelo a hibe mas leu y lanta su mes partido.

Den e tres grandinan di cual Betico ta forma parti, tin di considere esun mas joven, pero tambe esun cu mas coraje y determinacion pa logra su meta.

SU lazonan internacional y su perseverancia a hacie grandi.

Internacionalmente el a hiba Aruba den mira internacional, den cual tambe su persona a logra e grandeza politico. Hasta den e propio seno di su partido, henter su gobierno tabata depende di dje, siendo cu su funcion tabata no mas di consehero, pero hasta su vision tabata di mas aya, pa guia y hasta muestra su gobierno di loke ta bon y di loke ta bay malo.


Betico a demostra di ta un persona di tur hende, tanto pa su contrario politico e tabata sa di muestra su caballerosidad.

Un poco lamentable ta di mira e fruto di e tres figuranan aki y nan determinacion y lucha pa cu e pueblo, no ta asina den e actual politica cu ta ser hiba, e lucha di Shon Henny, hunto cu esun di Juancho y Betico den nan epoca, ta leu for di horizonte, pa loke nos ta observando te awor.



18 Maart Dia di Himno y Bandera Aruba pabien...



LICORES ARUBA



18 Maart Dia di Himno y Bandera Aruba pabien...



BLUE WAVE